

Vedtekter for Rommetveit Båtlag

(Siste endring i Årsmøtet for 2021)

§ 1 Føremål

Rommetveit Båtlag skal arbeida for at alle medlemmer og andre med bruksrett skal få ei trygg og funksjonell båthamn. Laget skal arbeida for å skapa eit godt og positivt miljø for friluftsliv og båtsport, samt utvikla/vidareutvikla eit positivt omdømme.

§ 2 Medlemskap

I tillegg til einskildpersonar, kan også bedrifter, institusjonar, lag og organisasjonar få medlemskap i Rommetveit Båtlag. Ingen kan møta med meir enn ein representant med røysterett på årsmøtet, sjølv om dei kan få inntil 2 (to) plassar i laget si båthamn.

- A. Båtplass 2 vert tildelt etter tid på venteliste.
- B. Kwart medlem som eig båtplass(ar) kan kun ha ei bod.
- C. Ein kan ikkje eiga bod utan å eiga båtplass, dvs. at ved sal av båtplass må også bod seljast.
- D. Medlemskap kan overførast til ektefelle/sambuar

Både inn- og utmelding av laget skal skje skriftleg - innmeldinga på fastlagd skjema. Tildeling av første båtplass /bod skjer etter ansiennitet. Båtplass 2 vert tildelt etter tid på venteliste. Båtplassar/bod kan overførast til ektefelle/sambuar, barn eller søsken. Medlem som gjennom sin oppførsel skadar båtlaget sin omdømme eller aktivitet, eller ikkje rettar seg etter laget sine lover og reglar, kan missa medlemskapen etter styrevedtak. Eit slikt vedtak kan ankast inn for årsmøtet. Sak om eksklusjon vert avgjort med simpelt fleirtal.

§ 3 Årsmøte

Årsmøtet skal haldast snarast mogeleg etter årsskiftet og seinast innan 31.03.

Innkalling skal sendast medlemmene minst tre - 3 - veker før møtedagen. Saker som medlemmene vil ha handsama på årsmøtet, må vera styret i hende innan fastsett frist før møtet .

Årsmøtet vel ordstyrar og referent og skal deretter handsama desse sakene:

- Årsmelding, rekneskap, budsjett,
- Kontingent, avgifter, innskot,
- Dugnadsinnsats
- Verdi av båtplassar
- Innkome framlegg
- Vedtektsendringar
- Val

Alle val skal vera skriftleg dersom det er meir enn eitt framlegg på kandidatar til same vervet. Alle medlemmer som har røysterett kan veljast, men dei som alt har eit verv i laget kan be seg friteken.

Alle kandidatar må på førehand sei seg villige til å ta imot valet.

Årsmøtesakene vert avgjort med simpelt fleirtal om ikkje vedtektene seier noko anna.

§ 4 Omframte årsmøte

Omframte årsmøte skal haldast når styret eller 1/3 av medlemmene krev det.

Innkallinga skal skje på same måte som for ordinært årsmøte.

Omframte årsmøte kan berre handsama saker som ligg til grunn for innkallinga.

Alle vedtak vert gjort etter dei same reglane som for ordinært årsmøte.

§ 5 Medlemsmøte

Medlemsmøte skal haldast når styret finn det ynskjeleg. Innkallinga skjer på den måten styret meiner er mest tenleg.

§ 6 Styret

Rommetveit Båtlag skal ha eit styre på seks - 6 - medlemmer, med tre - 3 – varamedlemmer. Alle vert valde av årsmøtet:

- * Leiar (1 år) Kvart år.
- * Økonomiansvarleg/Nestleiar (2 år) Kvart oddetals-år.
- * Sekretær (2 år) Kvart partals-år.
- * Hamneleiar (2 år) Kvart oddetals-år
- * Tiltaksleiar (2 år) Kvart partals-år.
- * Vedlikehaldsleiar (2 år) Kvart partals-år

Varamedlemmene har møterett i styret og bør i tillegg ha anna verv i laget:

Desse blir valt kvart år.

Leiaren kallar inn til styremøte minst ei veke før møtet, ein regel som kan fråvikast i hastesaker. Styret skal stå for den daglege leiinga, og gjera vedtak i saker som ikkje skal avgjerast av Årsmøtet. Alle saker vert avgjort med simpelt fleirtal. Ved likt røystetal er leiar si røyst avgjerande. Styret er vedtaksført når minst tre medlemmer er tilstades. Sekretæren skal føra møtebok for alle styremøte. Økonomileiaren/Nestleiararen har ansvar for medlemsarkiv, rekneskap, og budsjett, samt vera stedfortreder for leiaren. Han skal også sjå til at vedteke budsjett vert fylgt.

§ 7 Andre komitèar og nemnder

Hamneleiaren er også leiar av laget sin hamnekomité på minst 3 medlemmer.

Hamnekomiten skal ha oppsyn med hamna og leia dugnads- tilsynsarbeidet saman med vedlikehaldsleiar. I tillegg har dei oppgåver i samsvar med eige reglement.

Tiltaksleiar er leiar for laget sine tiltak og arrangement og leier arrangementkomiteen

Husleiar har ansvar for dagleg administrasjon av lagshuset og rapporterer til sekretær.

Sekretær har ansvar for laget sine nettsider og anna informasjon.

Årsmøtet skal og velja ei valnemnd. Leiaren skal veljast for 2 år, medlemmene for eitt år.

To revisorar skal veljast av årsmøtet for to år om gongen. Dei står ikkje på val samstundes.

Styret kan etablere andre funksjonar til å stå for spesielle oppgåver som dei finn naudsynt for drift av laget. Disse rapporterer til eit av styremedlemmene.

§ 8 Kontingent, årsavgift, innskot og dugnad

Årsmøtet skal kvart år fastsetja:

- ..Medlemskontingenten.
- ..Årsavgifta for båtplassane.
- ..avgift for opplag på Land
- ..Årsavgift for hengarar
- ..Den årlege dugnadsinnsatsen pr. båtplass.
- ..Timepris for ikkje utført dugnad.
- ..Verdien av båtplassar
- ..Verdiar på boder
- ..Årsavgift boder
- ..Pris sublift

Viss ikkje kontingent og årsavgift er betalt til båtlaget etter to – 2 purringar, vil det blir sendt eit siste brev rekommandert til medlemmet der konsekvensen blir forklart. Konsekvensen er å bli stroke som medlem av Rommetveit båtlag. Den same konsekvens vert gjort gjeldande om medlem ikkje betalar avgifter eller kontingentar og/eller det ikkje er mogleg å finna/få kontakt med vedkommande i løpet av 2 år.

§ 9 Vedtektsendring

Desse vedtektene kan berre endrast på ordinært eller omframt årsmøte

Framlegg til endringar må vera oppført på sakslista, og krev 2/3 fleirtal frå dei frammmøtte medlemmene for å verta godkjende.

§ 10 Oppløysing

Rommetveit Båtlag kan berre løysast opp dersom eit årsmøte vedtek det med 2/3 fleirtal. Framlegg til oppløysing må stå på saklista som går ut til medlemene minst tre - 3- veker før årsmøtet. Dersom oppløysing vert vedteke, skal det haldast omframt årsmøte ein månad seinare. For at laget skal verta oppløyst, må vedtaket stadfestast også her med 2/3 fleirtal.

Ved oppløysing vedtek årsmøtet kva båtlaget sine midlar skal nyttast til. Årsmøtet som vedtek oppløysing, vel eit styre på minst tre -3- medlemmer som i samråd med kommunale forvaltningsorgan disponerer midlane.
